

# SRA. VDA DI LORD BOXOE, MATHILDE ILLIDGE TA GRADICI CLAUDIUS PHILIPS

*Pa e bunita suma recauda*



**\*\* Na aña 1979 cu tabata e di 25 aña di Aruba su Carnaval, LORD BOXOE a sabi di conquista ambos corona cu e Calypso "Shove it up", y e roadmarch inmortal "Comming down forking". Riba grafico nos por aprecia un Lord Boxoe sumamente orgulloso na momento cu Presidente di SAC, Milo Croes ta coroné.**

**\*\* Diahuebs ultimo DEN AMBIENTE y Roberto Geerman a haci Sra. Vda. Mathilda Illidge un bishita na su residencia pa asina haya algun informacion concreto di tur e logronan di e fallecido calypsonian Lord Boxoe.**

Roberto Geerman kende a lanta for di mucha den e bario di Lord Boxoe, actualmente ta trahando duro hunto cu Sra. Vda. Mathilda pa logra un produccion di un cassette di 10 cancion di Lord Boxoe. Durante e bishita aki DEN AMBIENTE a probecha di haci Sra. Vda. Mathilda un pregunta cu mester di claridad, ya cu tin hopi rumornan ta circula encunto di e asunto lamentable aki, cu DEN AMBIENTE kier solucioná.

Manera DEN AMBIENTE a publica aña pasa cu Claudius Philips a organisa varios eventonan pa recauda fondo pa e famillianan di e victimanan di Bijlmeer, y tambe pa e familia di Lord Boxoe. Segun informacionnan cu DEN AMBIENTE a ricibi for di basta tempo caba, cu e placa recauda nunca a yega serka e familia, y cu asta e check a bons na banco.

Segun cu DEN AMBIENTE por a compronde cu durante e pre-calypso contest asta un cantante lo tabata tin intencion pa trece esaki den publicidad via di su cancion, pero ta manera DIOS no a permiti esaki, debi cu a surgi un problema tecnico. Pa trece un claridad y pa caba cu e asunto aki "For once and all", DEN AMBIENTE a tuma un curashi pa haci Sra. Vda. Mathilda e pregunta delicado aki, si ta berdad cu locual ta ser papia.

Sra. Vda. Mathilda a desmenti e rumor aki y a declara enfaticamente, cu e la ricibi e suma di 2 MIL florin, y ta masha gradicido na Claudius Philips y su grupo Oreo. Locual si cu por a confundi cierto personanan ta cu berdad e no a ricibi e suma na banco riba e prome dia cu e la acudi. Esaki ta pa motibo cu su jiu cu a ricibi e check na fiesta, a lubida di bisa pa bay cobra e check riba tal fecha, y cu e la bay cobra un dia prome cu e fecha.

E señora a declara cu e suma ricibi ta pa traha riba e tumba di Lord Boxoe (q.e.p.d.). Sra. Mathilda kier a probecha pa desea Mighty Talent hopi exito awe den e Calypso & Roadmarch contest.

## CASSETTE CU 10 CANCION DI "LORD BOXOE" MUY PRONTO



**E anochi aki Lord Boxoe a presenta Mighty Talent como e proximo rey di calypso y roadmarch como su discipulo y Talent for di e momento ey a tuma over.**

**\*\* Foto historico di 10 aña pasa, caminda Mighty Talent a debuta exitosamente como e prome Calypso king joven den historia di Aruba, y te ainda den tur su participacionnan e la sabi di truinfa seya como Calypso King o Roadmarch King.**

Riba grafico nos por aprecia Lord Boxoe (q.e.p.d.) cu e copa di Roadmarch King (Gege), Mighty Talent Calypso king, y Singing Olivia.

**\*\* YARD ALEXANDER ILLIDGE**, mihor conoci como "LORD BOXOE", un di nos grandinan den festival di Calypso y Roadmarch, a nace dia 25 di November 1930 y a fayace 8 di Mei 1992.

Lord Boxoe ta creador di e prome roadmarch na papiamento "Basha awa bay", y e prome calypso na papiamento "Dora mi doe. Durante su exitoso presentacionnan den festival di Calypso y roadmarch, e la logra di triunfa 8 biaha como ROADMARCH KING, y 4 bes como CALYPSO KING, y alaves un cantidad di premionan na segundo y tercer lugar.

Lord Boxoe a marka historia como e prome calypsonian pa conquista 3 aña consecutivo, (1971, 1972 y 1973), e maximo titulonnan di roadmarch king y calypso king. Tambe Lord Boxoe ta ser reconoci como esun cu a habri caminda pa nos roadmarchnan wordo mas toca den paradanan, cu e tremendo roadmarch ganador indiscutible "Meaty" na aña 1978. Otro roadmarchnan cu semper lo wordo recorda ta "Gege" cu a haci un impacto formal na aña 1983, y tambe "Commingdown forking" cu tabata un exite rotundo na aña 1979.

Otro siman lo sali un cassette cu 10 cancion di e fallecido cantante aki, interpreta pa nos mihor calypsonian. E motor tras di e proyecto aki ta e popular DJ di Canal 90, Roberto

"Gordo" Geerman y Sra. Vda. Mathilda Illidge. **LORD BOXOE** semper lo keda recorda como esun mas grandi den historia di Calypso y roadmarch na Aruba. Keda pendiente pa e cassette historico aki.

### TRUINFO NAN DI LORD BOXOE.

- 1971 Basha awa bay. Roadmarch.
- Strongman Diet. Calypso.
- 1972 Pussy don't Kill me. Roadmarch.
- Dora mi Doe. Calypso.
- 1973 Rub she Roadmarch.
- Haragan. Calypso.
- 1975 Pong Nolly Pong. Roadmarch.
- 1976 Burry the Cock. Roadmarch.
- 1978 Meaty. Roadmarch.
- 1979 Coming down forking. Roadmarch.
- Shove it up.
- 1983 Gege. Roadmarch.
- 1986 My Concern.

## BLUE WAVE NIGHT CLUB

TA PRESENTA

E ENCUESTRO TOTAL

OREO V/S QUASI  
CLAUDIO  
V/S  
TATOO

DIADOMINGO 24 DI JANUARI 1993

Y NO LUBIDA DIALUNA LIBER